

ხელშეკრულება №116

“21“ დეკემბერი 2016 წ.

ქ.გორი

1. ხელშეკრულების მხარეების ზუსტი დასახელება და რეკვიზიტები

1.1 “სახელმწიფო შესყიდვების შესახებ” საქართველოს კანონის მე-3 მუხლის პირველი პუნქტის “ს” ქვეპუნქტისა და 2015 წლის 17 აგვისტოს სახელმწიფო შესყიდვების სააგენტოს თავმჯდომარის №13 ბრძანების მე-2 მუხლის “ა” პუნქტის თანახმად, ერთი მხრივ (შემდგომში შემსყიდველი) გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაცია (მისამართი: ქ.გორი, სტალინის გამზირი №16) სახელმწიფო რწმუნებულის-გუბერნატორის მოვალეობის შემსრულებლის იოსებ ოქრომელიძის სახით და მეორე მხრივ (შემდგომში მიმწოდებელი/შემსრულებელი) შპს „ინტერიერი“ (მისამართი: ქ.გორი, ელიოზიშვილის 13/6) მისი ხელმძღვანელის რამაზ მარგველაშვილის სახით, ურთიერთშეთანხმების საფუძველზე ვდებთ წინამდებარე ხელშეკრულებას შემდეგზე:

2. ხელშეკრულების საგანი

2.1. სამშენებლო-სარემონტო სამუშაოების (CPV453) შესყიდვა, კერძოდ გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის ადმინისტრაციული შენობის მესამე და მეოთხე სართულების ნაწილის მიმდინარე რემონტი. (იხ. ხარჯთაღრიცხვა)

3. ხელშეკრულების ჯამური ღირებულება

3.1. ხელშეკრულების ჯამური ღირებულება განისაზღვრება 1748,24 (ათასშვიდასორმოცდარვა ლარი და ოცდათვრამეტი თეთრი) ლარით.

4. სამუშაოს შესრულების ეტაპობრივი ვადები

4.1. მიმწოდებელი ვალდებულია უზრუნველყოს სამუშაოს გაწევა 2016 წლის 21 დეკემბრიდან 2016 წლის 24 დეკემბრამდე, შემდეგ მისამართზე: ქ.გორი, ფერაძის ქ. №5

5. მიღება ჩაბარების წესი

5.1 გასაწევი სამუშაო ან მისი ნაწილი ჩაითვლება მიღებულად მხოლოდ შესრულებული სამუშაოს (ფორმა №2) წარმოდგენისა და მიღება-ჩაბარების აქტის გაფორმების შემდეგ.
5.2 გასაწევი სამუშაოს (მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.
5.3 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები, დაწუნებული გაწეული მომსახურების წუნდების მიზეზების მითითებით.

6. შესყიდვის ობიექტის ხარისხი

6.1. გაწეული სამუშაო უნდა იყოს მაღალი ხარისხის და შეესაბამებოდეს დადგენილ სტანდარტებს.

7. ანგარიშსწორების ფორმა, გრაფიკი და ვადები

7.1 ანგარიშსწორება მოხდება უნაღდო ანგარიშსწორების წესით.

7.2 შემსყიდველი ვალდებულია მოახდინოს თანხის გადარიცხვა მიღება-ჩაბარების აქტისა და/ან ანგარიშ-ფაქტურის წარმოდგენიდან 10 სამუშაო დღის განმავლობაში, შესრულებული სამუშაოს (ფორმა №2) საერთო ღირებულების შესაბამისად.

8. მხარეთა უფლება-მოვალეობანი

8.1. შემსრულებელი იღებს ვალდებულებას გაუწიოს შემსყიდველს მის მიერ მოთხოვნილი სამუშაო ხელშეკრულების პირობების შესაბამისად.

8.2. შემსყიდველი იღებს ვალდებულებას აუნაზღაუროს შემსრულებელს შესრულებული სამუშაოს საფასური ხელშეკრულების პირობებში ასახულ ვადებში და ფორმით.

9. მხარეთა პასუხისმგებლობა ხელშეკრულების პირობების დარღვევისათვის

9.1 შემსყიდველი უფლებამოსილია გასაწევი სამუშაოს ვადის გადაცილების შემთხვევაში დააკისროს მიმწოდებელს პირგასამტეხლო ყოველ გადაცილებულ დღეზე დროულად გაუწეველი სამუშაოს ღირებულების 0.5%-ის ოდენობით.

9.2 გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლო ყოველ გადაცილებულ დღეზე გადაუხდელი თანხის 0.5%-ის ოდენობით.

9.3 იმ შემთხვევაში თუ ვადების გადაცდენისათვის დაკისრებული პირგასამტეხლოს ჯამური ოდენობა გადააჭარბებს ხელშეკრულების ღირებულების 4 (ოთხი) პროცენტს, შემსყიდველს ან მიმწოდებელს უფლება აქვთ შეწყვიტონ ხელშეკრულება.

9.4 ხელშეკრულებით ნაკისრი ვალდებულებების არშესრულება და/ან არაჯეროვნად შესრულება განიხილება, როგორც ხელშეკრულების მოშლის საფუძველი.

9.5 ხელშეკრულებით ნაკისრი ვალდებულების შეუსრულებლობის ან არაჯეროვნად შესრულების შედეგად მიყენებული ზარალისათვის მხარეები ერთმანეთის წინაშე პასუხს აგებენ საქართველოს კანონმდებლობის შესაბამისად.

10. ფორს-მაჟორი

10.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვევულ იქნა ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა დაუძლეველი ძალით. თუ ისინი უშუალო ზემოქმედებას ახდენენ ხელშეკრულების შესრულებაზე, ხელშეკრულების შესრულების ვადა გადაიწევის შესაბამისი დროით (გარდა საბიუჯეტო ასიგნებების მკვეთრი შემცირებისას)

გარემოებათა დასრულების შემდეგ.

10.2. თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა სამ თვეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.

11. ხელშეკრულების მოქმედების ვადა

11.1 ხელშეკრულება ძალაშია 2016 წლის 21 დეკემბრიდან 2017 წლის 30 იანვრამდე.

12. დავების გადაწყვეტის წესი

12.1 შემსყიდველმა და მიმწოდებელმა ყველა დონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოავარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა გარემოების ირგვლივ.

12.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

13. ხელშეკრულების ინსპექტირების პირობები

13.1. შემსყიდველს ან მის წარმომადგენლებს უფლება აქვთ განახორციელონ ტექნიკური კონტროლი და/ან გამოსცადონ შესყიდვის ობიექტი, რათა დარწმუნდნენ მათ შესაბამისობაში ხელშეკრულებით გათვალისწინებულ ტექნიკურ პირობებთან.

13.2. შემსრულებელი ვალდებულია საკუთარი ხარჯებით აღმოფხვრას კონტროლის (ინსპექტირების) შედეგად გამოვლენილი ყველა დეფექტი ან ნაკლი.

13.3. ხელშეკრულების პირობების შესრულების კონტროლს განახორციელებს გვანცა ცომაია – გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის–გუბერნატორის ადმინისტრაციაში სახელმწიფო რწმუნებულის–გუბერნატორის აპარტის სპეციალისტი, ხოლო მიღება-ჩაბარების აქტის გაფორმებას განახორციელებს გიორგი ბუგიანიშვილი – გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის–გუბერნატორის ადმინისტრაციის რეგიონული პროექტების კოორდინირების სამსახურის უფროსი.

13.4. ამ მუხლის არცერთი პუნქტი არ ათავისუფლებს შემსრულებელს მოცემული ხელშეკრულების გარანტიისა ან სხვა ვალდებულებებისაგან.

14. ხელშეკრულებაში ცვლილებების შეტანა

14.1. არავითარი გადახრა ან ცვლილება ხელშეკრულების პირობებში არ დაიშვება ორივე მხარის მიერ ხელმოწერილი წერილობითი შესწორების გარდა.

14.2. თუ რაიმე წინასწარ გაუთვალისწინებელი მიზეზების გამო წარმოიშობა

ხელშეკრულების პირობების შეცვლის აუცილებლობა, ცვლილების შეტანის ინიციატორი ვალდებულია გამართოს მოლაპარაკებები მეორე მხარესთან შესაბამისი ინფორმაციის შესახებ ან წერილობით აცნობოს მოსალოდნელი ცვლილებების შესახებ.

14.3. ნებისმიერი ცვლილება, რომელსაც მოჰყვება ხელშეკრულების ფასის გაზრდა ან შემსყიდველისათვის პირობების გაუარესება, დაუშვებელია გარდა საქართველოს კანონმდებლობით გათვალისწინებული შემთხვევებისა.

14.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

14.5 ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად და ინახება ხელმოწერ მხარეებთან.

ყოველივე ზემოაღნიშნულის დასტურად მხარეებმა გააფორმეს წინამდებარე ხელშეკრულება, საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველი: გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებული-გუბერნატორის ადმინისტრაცია, სახელმწიფო რწმუნებული-გუბერნატორის მოვალეობის შემსრულებელი იოსებ ოქრომელიძე
(შემსყიდველის სახელი, გვარი, თანამდებობა)



საბანკო რეკვიზიტები

შემსყიდველის ბანკი: საქართველოს სახელმწიფო ხაზინა

კოდი: TRESGE22


ანგარიშსწორების ანგარიში: GE24NB0330100200165022

საინდეტიფიკაციო კოდი: 217889514

მიმწოდებელი: შპს „ინტერიერი“

რამაზ მარგველაშვილი

(მიმწოდებლის სახელი, გვარი, თანამდებობა)

ხელმოწერა  ბ.ა.



საბანკო რეკვიზიტები

მიმწოდებლის ბანკი: სს „თიბისი ბანკი“

კოდი: TBCBGE22

ანგარიშსწორების ანგარიში: №GE18TB7214636080100001

საიდენტიფიკაციო კოდი: 417877079

ინტერესთა კონფლიქტის თავიდან აცილების პირობები

ქ. გორი

21 დეკემბერი 2016 წ.

ჩვენ, ქვემოთ ხელის მომწერნი ვადასტურებთ, რომ გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის მიერ სამშენებლო-სარემონტო სამუშაოების სახელმწიფო შესყიდვისთვის, გამარტივებული შესყიდვის საშუალებით გასაფორმებელ ხელშეკრულებაში, ჩვენი მონაწილეობა არ ეწინააღმდეგება "სახელმწიფო შესყიდვების შესახებ" საქართველოს კანონის მე-8 მუხლის პირველი პუნქტით გათვალისწინებულ მოთხოვნებს.

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის მოვალეობის შემსრულებელი

იოსებ ოქრომელიძე

მიღება-ჩაბარებაზე პასუხისმგებელი პირი

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის რეგიონული პროექტების კოორდინირების სამსახურის უფროსი

გიორგი ბუგიანიშვილი

შესყიდვების კოორდინატორი

გორის, კასპის, ქარელის, ხაშურის მუნიციპალიტეტებსა და ქალაქ გორის მუნიციპალიტეტში სახელმწიფო რწმუნებულის-გუბერნატორის ადმინისტრაციის აპარატის სპეციალისტი

გვანცა ცომაია